

讀史方輿紀要卷九十

崑山顧祖禹景范輯著
南昌彭元瑞共云楮校定

錦里龍萬育燮堂校刊

浙江二

杭州府

東南至紹興府一百三十八里西南至嚴州府二百七十里北至湖州府一百八十里東北至

嘉興府一百九十五里自府治至京師三千二百里

禹貢揚州之域春秋為越國之西境後屬楚秦漢並

屬會稽郡後漢順帝以後屬吳郡三國吳分置東安

郡治富

尋罷晉屬吳興及吳郡宋齊梁因之以侯景嘗

為臨江郡富

陳置錢唐郡隋平陳廢郡置杭州初治餘杭

開皇十年

煬帝大業三年改曰餘杭郡唐復為杭州

讀史方輿

紀要

卷九十

敷文閣

天寶初曰餘杭郡乾元初復曰杭州

景福初號武勝軍光化初移鎮

海節度治焉又置大都督府于此新唐書乾元二年

杭州置餘杭軍景福二年鎮海軍自潤州徙屯此又

有烏山戍或五代時吳越都于此謂之西府謂宋仍

曰即吳山也

為杭州亦曰餘杭郡淳化五年建炎三年升為臨安

府特定行

元曰杭州路明改杭州府領縣九

府山川環錯井邑浩穰為東南都會春秋時吳越爭

雄之所也自三國以來皆恃為財賦淵藪陳隋始立

郡建州繁衍之漸基于此矣唐末置節鎮于此以寵

錢鏐鏐于是擁兵廓地為東南雄鎮宋建炎三年高

宗至鎮江召從臣問去留呂頤浩乞駐蹕京口為江

北聲援王淵獨言鎮江止可捍一面不如錢塘有重

江之險淵慮金人自通州渡江據姑蘇則京口內外俱亟也于是遂如杭州卽

州治爲行宮王阮言臨安蟠幽宅阻面湖背海膏腴

沃野足以休養生聚其地利于休息陳亮言吳會者

晉人以爲不可都而錢鏐據之以抗四隣蓋自毘陵

而外不能有也其地南有浙江西有崇山峻嶺東北

則有重湖沮洳而松江震澤橫亘其前雖有戎馬百

萬安所用之此錢鏐所恃以爲安國家六十年都之

而無外憂者也亮蓋言于光宗時朱子嘗言建康形勢雄壯

然淮破則止隔一水欲進取則都建康欲自守則都

讀史方輿 卷九十一 浙江二 二 敷文閣

紀要 臨安近時言者亦謂昔人咎宋都臨安遂成偏安之

局不知臨安雖偏前有襟障左右臂有伸縮是以晏

然者百餘年六朝都建康雖云控引江淮而過于淺

露荆雍江鄂上游跋扈未有二十年無事者也然辛

幼安有言斷皋亭之山皋亭或作牛頭今府東北三十里有牛頭堰路通海門非

也山名天下無援兵決西湖之水滿城皆魚鱉陳同甫

亦嘗環視錢塘喟然歎曰城可灌也蓋以地下于西

湖云而西山真氏則曰國家南渡駐蹕海隅何異越

棲會稽之日而秦檜乃以議和移奪上心粉飾太平

沮鑠士氣士大夫豢于錢唐湖山歌舞之娛無復故

都黍離麥秀之歎此檜之罪所爲上通于天而不可

贖也今府城宋行都城也舊志府城初築于隋楊素

周三十六里九十步唐景福二年錢鏐新築羅城自

秦望山由夾城東亘江干泊錢塘湖霍山范浦周七

十里其城門凡十南曰朝天今吳山東麓鎮海樓也

宋曰拱北樓明初復名朝天北曰北關其東面

之門曰新門曰南土曰北土曰寶德西面之門曰竹

車曰鹽橋曰西關曰龍山寶德在東面之北龍山在

西面其形勢則南北展而東西縮乾寧中楊行密將

攻杭州攜僧祖肩密來瞰之祖肩曰此腰鼓城也擊

之終不可得宋紹興二十八年增築內城及東南之

外城附于舊城內城亦曰皇城周九里皇城之門南

曰麗正北曰

和寧或曰亦吳越牙城故址也牙城之南門曰通越

北曰雙門其東北隅門亦曰和寧錢鏐如衣錦軍將

還部將徐縮等作亂據羅城攻牙城鏐至龍泉聞變

使副將建已旌鼓與叛兵戰而敗服乘小舟夜抵牙

城東北和寧門踰城而入是元至元十九年張士誠

也又宋之東苑門曰東華

更築府城東自艮山門至候潮門視舊城拓開三里

而絡市河于內南自候潮門迤西則縮入二里而截

鳳凰山于外城之東西視舊差廣門十三宋制亦十

三門東有

便門保安保安一名小腰土誠者之于北增太宗北

新二門其天宗一名小北門仍爲十三門又宋時南

門曰嘉會德祐末元兵至駙馬都尉楊鎮等奉益王

廣王走婺州不果旣而自嘉會門出渡江而南元兵

追之鎮還臨安楊亮節遂負二王明省爲十東省錢

走温州是也士誠改嘉會曰和寧

宋置張士誠因之北省士東五門曰候潮東南第一

誠所置天宗北新二門

讀史方輿 卷九十 浙江二 三 敷文閣

名曰永昌東南第二門舊曰新門俗呼草橋曰清泰

在城正東舊名崇新門俗呼曰慶春東北第二門也

呼太平門有菜市曰艮山俗呼壩子門也西三門曰

湧金在城北關賊開湧金門遁走舊亦名豐豫門曰清

波在湧金之北曰錢塘在湧金之南一門曰鳳山在城南

江一名正陽門北距武林門十里即張士北一門曰

誠所改和寧門也又舊有清平門後塞

武林在城北正北舊名餘杭門今仍呼為北關土人云

門凡五曰保安曰南曰北曰天宗曰餘杭張氏因城

之今為水門四在鳳山侯潮艮山武林各門之旁城

周三十五里一百丈此今城之大畧也

錢塘縣附郭在府治西秦縣屬會稽郡漢為會稽西部

都尉治後漢縣省光和二二年封朱嵩為侯邑三

紀要

國吳復置縣屬吳郡晉以後因之陳置錢塘郡于此

隋廢郡改為杭州治本曰錢塘唐以唐為國號加土

為塘後因之舊唐書隋時縣在州治南貞觀六年移

縣而北去州治十一里尋又移治于新城開元二十

一年遷治州郭下二十五年復移州治南通志宋嘗

徙于錢唐門外尋還城內後徙今治今編戶百六十

里一

仁和縣附郭在府治東唐錢塘鹽官二縣地五代梁龍

興國四年改今名尋徙府治北元

吳山在府治南圖經云春秋時為吳南界故名或曰

以子胥名譌伍為吳也亦名胥山左帶大江右

瞰西湖宋建炎三年兀術陷臨安將還斂兵于吳

山七寶山焚掠而去七寶即吳山西南面支峯也

紹興末金亮聞其勝概欲立馬吳山遂南寇

今峯巒相屬以山名者凡數處而總曰吳山

鳳凰山府治西南二里與吳山岡脈相接舊在城內

張士誠築城截之于外今沿城南十里陵阜

巖壑透迤而西左瞰大江直望海門如鳳凰欲飛峭壁崔巍中通石術宋南渡後因州治建宮殿山遂環入禁苑重簷複閣凌駕山椒今山坡平處曰內教場山下有洗馬池皆宋時故址也其東麓為萬松嶺舊時夾道多松又有古渠嚴禁侵占是也今路臣吳淵請復多松嶺旁古渠嚴禁侵占是也今路出江頭嶺去城最近而地形高聳論者謂敵先據此則城中有矢石相及之虞蓋鳳凰山屏峙城南攻守必資之地矣○龍山在城南山之北即包家山宋紹興十七年建玉津園于山北淳熙十二年大閱于龍山後屢閱于此王應麟曰孝宗乾道以後屢幸茅灘大閱慶元二年殿帥郭杲言茅灘在江東岸潮汐不時若營教場徒費修治不如專閱于龍山從之龍山蓋即鳳凰之支隴矣山之東有白塔嶺路出江頭一統志龍山一名卧龍山

寶石山

在城西西北負郭挺立上有石巍然如甌北有落星二石錢氏號壽星寶石山後改為巨石山上有保叔塔本名寶所塔宋乾道二年嘗大閱于此山東南麓為昭慶寺面臨西湖山之北為霍

讀史方輿紀要

卷九十

浙江二

五

敷文閣

山山最小而石骨鱗起其下為錢氏羅城舊址○孤山在城西重湖之間以獨立波心而各山坦夷與寶石諸山隔湖相望

南屏山

府西三里峯巒聳秀環立若屏北有淨慈寺寺前一峯曰雷峯或以為迴峯之譌也有雷峯塔其西為九曜山山石嵯峨頗為雄峻山西南為太子灣以宋莊文景獻二太子攢圍而各益折而南為煙霞嶺又南為南高峯盤紆峻聳東抱西湖南瀕浙江舊有塔在其上志云南高峯在府西

靈隱山

府西十二里本名武林山相傳漢時錢唐縣蓋治于山麓晉咸和中改名唐天復二年杭州叛將徐縮等作亂湖州刺史高彥遣子滑入援至靈隱為縮伏兵所殺宋建炎三年金人寇臨安遊騎入靈隱至天竺山亦名靈苑又名仙居自靈隱寺寺外為九里松山之西北一峯直上曰北高峯為靈隱最高處頂舊有七級浮圖奇勝與南高峯相埒其峙于寺前石門澗南者曰飛來峯亦

名靈鷲峯又南為天竺峯三天竺寺列焉宋志西湖出武林山武林泉今南北諸泉澗皆滙于西湖蓋湖上羣山靈隱實為雄長矣又獅子峯在天竺峯西南元伯顏入臨安觀潮于浙江登獅子峯覽臨安形勝即此

赤山 府西南十二里志云自太子灣而西有玉岑山少北為三台山于忠肅墓在焉玉岑山西南即

赤山自西湖出江干往取途于此宋建炎中金人犯臨安兀術突至赤山即此俗名赤山埠南征紀赤山埠西走富陽南出江濱控扼處也○五雲山永明所建以鎮江湖亦江濱控扼處也○五雲山在府西南二十里沿江自徐村而進盤曲凡六里七十二灣上有二井大旱不竭長江三折正當其

前又有溪水東流經諸橋以入江

秦望山 府西南十里輿地志秦始皇東遊登山瞻望欲渡會稽因名吳越史唐咸通中望氣者言

東南有王氣命侍御史許渾賈璧瘞此山以厭之山東南有羅刹石橫截江濤後改名鎮江石五代

讀史方輿 卷九十 浙江二 六 敷文閣

紀要 梁開平中為潮汝所漲沒又焦山在府西南四十里高千二百丈周二十里境中諸山惟此為最高云

定山 府東南四十里突出江干郡國志云江濤至此輒抑過此復雷吼霆奮因名一名獅子山劉宋

秦始初會稽太守孔頴等舉兵應晉安王子勛臺軍吳喜擊之遣別將沈思仁等破東軍于定山唐光啓二年錢鏐遣將自定山出海門討薛朗于潤州即此又有浮山在定山東南五里蘇軾守杭州奏狀云潮水自海門東來勢如雷霆而浮山峙于江中與魚浦諸山犬牙相錯洄洑激射其怒百倍沙磧轉移為至險處

阜亭山 府東北二十里山當往來之衝宋德祐二年

取杭州分遣茅成駢阜亭山蓋府境必備之險也○桐扣山在府東北五十里晉武帝時岸崩出石鼓張華命取蜀中桐木刻魚形排之聲聞數里山因以名其西接毋山一名鳳凰山高聳為羣山之

冠以張翼左右
如母顧子而名

臨平山

府東北六十里山周十八里平曠透迤無崇

潤梁大寶初張彪起兵會稽討侯景遣將趙稜等

于山下後為臨平鎮五代梁開平三年高灋以湖

州附淮南舉兵焚義和臨平鎮吳越討平之宋建

平拒勤王兵負山阻水為陣中流植鹿角以梗行

舟世忠舍舟力戰大破之又鎮有明因寺是也義和鎮

界山

府北七十里一名萬松山其西有鳳泉諸山綿

溪遠其南陡門關峙其東亦北出之間道也志云

鳳泉山一名唐山山之西有石門嶺嶺南有唐家

九度嶺西二里有金龍嶺皆北達武康

讀史方輿

卷九十

浙江二

七

敷文閣

葛嶺

在府城西北自寶石山而西其相接者曰寶雲

陷尉曹將金勝等保葛嶺編竹覆泥為塗北騎至

賈似道第于西湖葛嶺即此文西為

風篁嶺

府西十里林壑極勝龍井在其上亦曰龍泉

城微服兼行踰城夜入是也慈雲嶺在府內西

南十里即鳳凰山之後嶺後唐同光二年錢鏐開

又仙姥墩在清波門外沿城而上舊有聚景園宋

狗頭嶺

府西北五十里唐上元二年劉展作亂據潤

孫待封自武康南出將會兵攻杭州州將李藏用

使其屬温晁自餘杭馳據狗頭嶺待封至敗還嶺

蓋當武康南出之道石夷門或曰即今石門塘也見崇德縣

錢塘江

在城東三里即浙江也自嚴州府桐廬縣流

出海門入于海海潮晝夜再上奔騰衝擊聲撼地

軸沿江之塘歷代修築錢塘記三國時功曹華信

以江濤為患議立塘以捍之募有能致土石一斛

與千錢旬月之間應者雲集因曰錢塘歲久塘壞

江挾海潮大為杭患唐大歷八年大風潮溢墊溺

無算咸通二年潮水復衝擊奔逸入城刺史崔彥

曾乃開外沙中沙裏沙三沙河以決之曰沙河塘

近南曰霸頭其在城東二里者曰捍海塘光化三

年浙江又溢壞民居五代梁開平四年錢氏建侯

潮通江二門潮水衝激版築不就因命強弩數百

以射潮頭既而潮水漸向西陵乃積石植木為塘

而城基始定今之平陸昔皆江也相傳吳越王箭

所射止處嘗立鐵幢因名鐵幢浦宋大中祥符五

年潮抵郡城發運使李溥請立木積石以捍之不

就乃用威綸議實薪土以捍潮波七年功成環亘

可七里天聖四年方謹請修江岸二斗門景祐四

年轉運使張夏置捍江兵採石修塘立為石堤十

二里塘始無患慶歷六年漕臣杜杞復築錢塘堤

紀要

方輿

卷九十

八

敷文閣

起官浦至沙涇以捍風濤又俞獻卿知杭州鑿西

巖作堤長六十里皇祐中漕臣田瑜豐石數萬為

龍山堤政和六年兵部尚書張閣言臣昨守杭州

聞錢塘江自元豐六年泛溢後潮汝浸淫比年水

勢稍改自海門過楮山即回薄巖門白石一帶北

岸壤民田及鹽田鹽地東西三十餘里南北二十

餘里江東距仁和監止及三里北趣赤岸甌口二

十里運河正出臨平下塘西入蘇秀若失障禦恐

他日數十里膏腴平陸皆潰于江下塘田廬莫能

自保運河中絕有害漕運詔亟修築七年知杭州

李偃言湯村巖門白石等處並錢塘江通大海日

夜兩潮漸致侵嚙乞依六和寺岸用石砌壘從之

紹興末以石岸傾毀認有司修治乾道九年復修

築廟子灣一帶石岸自是屢命有司修戢淳熙元

年江堤再決嘉熙二年復決守臣趙與權乃于近

江處所先築土塘于內更築石塘水復其故嘉定

十年江潮大溢復修治之明洪武十年江大水溢

特命興築永樂元年及五年九年皆經修治十八

年更修完固成化八年沿江堤岸傾圯特甚乃命

工部侍郎李頤相度經理堤岸一新百年以來始

無大患萬歷三年六和堤岸決復修治之嗣後淺沙漸積江湖稍緩舊時上自六和塔下抵艮山門皆有石塘胡氏以為即錢氏所築捍海塘故址今多堙廢其渡江之處自草橋門外江西岸渡者曰塔渡者曰龍山渡對蕭山漁浦

西湖

在城西周回三十里三面環山谿谷縷注緒而為湖漢時金牛見湖中以為明聖之瑞曰明聖湖一名錢塘湖以介于錢塘也一名上湖以委輸于下湖也然其地負郭而西故其稱為西湖唐大

歷中刺史李泌于湖北為石函橋置水閘以洩湖水溉田無算長慶初刺史白居易復築堤捍湖葑蔓合湖漸堙塞吳越時置撥湖兵士千人芟草濬泉又引湖水為湧金池以濟運河宋景德四年郡守王濟增置斗門以防潰溢天禧中王欽若奏以西湖為放生池自是湖漸堙廢慶歷初郡守鄭戩常開濬之元祐五年蘇軾知杭州以為唐李泌引湖水作六井然後民足取汲而生聚日繁又放水溉田瀕湖千頃可無凶歲今雖不及千頃而下湖

讀史紀要

卷九十

浙江二

九

敷文閣

數十里間菱芰穀米所獲不資又西湖深濶則運河可以取足若湖水不給則必取藉于江湖湖水淤河泛溢闔閩三年一濬必為市井大患并六井亦且廢矣今請設法開治并禁民侵占從之軾因取葑泥積湖中橫跨南北兩山徑十餘里為長堤以通人行今稱蘇公堤西曰裏河東曰外湖紹興九年從張澄請招置撥湖兵二百人十九年守臣湯鵬奏請開濬乾道五年復嚴侵占之禁九年以臨安守臣言命更加開濬元時廢棄不治明初益為汙萊民耕業其中成化宏治中嘗議濬之正德三年郡守楊孟瑛又力言之于御史臺疏奏報可于是大加濬治凡毀民田蕩三千四百餘畝湖始復舊又益蘇堤高二丈濶五丈三尺又于裏湖西岸為楊公堤堤各開六橋以通水自北新路第二橋入靈竺路謂之趙公堤以宋淳祐中京尹趙與憲所築也自斷橋至孤山謂之白公堤以唐郡守白居易所築也湖中有湖心寺易而為亭議者謂杭之水利莫切于西湖云

臨平湖

在府東北臨平山東南五里吳赤烏二年獲寶鼎于此因名鼎湖周回十里漢末湖已塞

塞晉咸寧二年復開孫皓以為已瑞既而吳滅晉
元興二年湖水赤桓元以為已瑞俄而元敗陳祿
明初湖又開陳王叔寶大惡之明年陳亦滅蓋此
湖嘗纂塞故老相傳湖開則天下平也唐宋時湖
水皆直至山下南宋為運道所經中有白龍潭風
波最險紹定中築塘以捍之曰永和自是患漸息
今上塘河

運河

在城北十里其源有三一自城東北三里德勝壩上
承上塘河之水俱匯於府北六里之江漲橋又餘
抗塘河之水亦由江漲橋西出以會於運河出北
新關橋至塘棲鎮接崇德界此公私經行之道也
元末張士誠自塘棲南五里之五林港開河直至
江漲橋凡濶二十餘丈其最濶處有三里漾十
二里漾之名今亦謂之新開運河亦名北關河
上塘河在城東自永昌門外北至良山門接城內運
海寧縣之長安壩南宋運道俱自長安壩
入良山水門抵東壩而止此其故道也

紀要

讀史方輿

卷九十

十

敦文閣

官塘河

在北新關外亦曰下塘河分運河水西北流
經府西北二十五里之板橋關至府西北四
十五里為奉口河合苕溪水入湖州府德清縣界
宋乾道十四年臣僚言奉口至北新橋三十六里
皆為斷港絕潢宜亟開濬以來商旅平穀直淳祐
七年安撫趙與篋募民濬廣之民以為便河西岸
有西塘長十八里抵
安溪通四安驛路

龍山河

在城南舊自鳳山水門直至龍山開計十餘
里置閘以限潮宋時濱江綱運由此入城後
廢元延祐三年復浚之明初洪武七年以河道窄
狹拓廣一十丈濬深二丈仍置閘以限潮尋以河
高江低改閘為壩今塞○舊運河自候潮水門南
歷清水渾水二閘至跨浦閘計長七里一名裏河
元延祐三年浚沼明朝洪武七年以舟楫難
通濬河廣十丈閘亦高廣於舊遺趾猶存

茅山河

在府治東又府治北有鹽橋河宋元祐四年
蘇軾濬茆山鹽橋二河分受江潮及西湖水
造堰牖以時啟閉今鹽橋河尚存而茅山河已堙
俗亦謂鹽橋河為大河又有小河在府治東本名

市河亦謂之便河元至大末江浙行省康里脫脫
初下車問民疾苦皆言杭城舊有便河通江浙埋
廢已久若疏鑿以通舟楫物價必平

柳浦

在府城東南五里侯潮門外江干有浙江亭亭
北有跨浦橋六朝時謂之柳浦埭劉宋泰始二

年遣吳喜擊孔顥等於會稽喜自柳浦渡取西陵
擊斬庾業齊永明二年富陽民唐寓之作亂進至

錢塘錢塘令劉彪遣將張玠之敗於小山寓之
進至柳浦彪棄城走唐書隋自餘杭後州治錢塘

又移治柳浦倚山築州城是也唐乾寧三年錢鏐
討董昌於越州昌求救於楊行密將安仁義

自潤州以舟師至湖州欲自湖州舟行入柳浦渡
西陵以應董昌鏐使顧全武守西陵仁義不能渡

西陵見紹興府蕭山縣小山或曰今
赤山也又城東北舊有范浦今堙

西溪

在靈隱山西北志云西溪有石人塢蓋北高峯
石人嶺之支也塢口為九沙為沿山路宋南渡

時車駕由此入餘杭歷方井法華秦亭諸山凡十
八里而絡以小河又北匯餘杭塘合於運河○安

紀要

讀史方輿卷九十 浙江二 敷文閣

溪在府北五十里茗溪自餘杭界來經紫微萬松
白鶴方印諸山凡三十餘里羣山之水合流為安

溪入德清縣界
九溪在赤山烟霞嶺西南其北為風篁嶺衆山之泉

九溪

環流於此自徐村入於江稍西為十八澗路通
六和塔○六井在城中杭瀕海水泉鹹苦唐刺史

李泌鑿陰竇引西湖入城作六井以便民汲後白
居易及宋郡守沈邁陳

襄皆修浚之民獲其利
清河堰舊在府城北宋宣和三年賊方臘攻秀州敗

清河堰

還仍據杭州官軍至清河堰賊棄城遁去或
曰今城北三里清河開即其處也又北關門內有

清河坊元末徐壽輝將項普畧陷杭州董搏霄自
德清擊之進薄杭城賊迎敵凡七戰追殺至清河

坊賊奔接待寺塞其門而焚之遂復杭州接待寺
在城東北五里○永昌霸在城東永昌門外又民

山門外有會安壩武林門外有豬圈德勝二壩俱
洪武初置以瀦上河之水使東

不得洩於江北不得洩於外河

北新關 府北十里商旅集之道也 有戶部分司駐

治焉 掌竹木之稅 志云 府治東 南有新關 則工部分司

稅課 司城北九里有江漲橋 稅課司城南有城 南

塘臨平 稅課局在府東 北六十里 屬仁和县 又安

溪奉口 稅課局在府西 北五十里 屬仁和县 又安

府西 二十七里 俱屬錢塘縣 後又以安溪 併入西

河泊所 臨平河泊所 在臨平 錢塘屬仁和县 初置

浙江驛 府南十里 龍山開左 濱江 宋有浙江亭 置於

每宰相去位 則待罪於 浙江亭 明初改置 今驛又

武林驛 在府北 武林門外 吳山驛 及遞運所 亦置

於此 今併於 武林驛 輿程

志驛 去浙江驛 三十里

湖州市 府城北五里 元伯顏自臯亭進屯 此旋人臨

市又塘樓 鎮在府東 北五十里 舊有郡丞 駐此 嘉

靖三十四年 督臣張經 與倭戰於塘樓 敗績 湯

鎮在府東北 五里 與海寧縣 接界 有仁和鹽場

宋蘇軾嘗開 湯村運鹽河 是也 今由城東 前後沙

通江橋 在城南 宋淳熙二年 漕臣趙潘老 議於此 置

志隆興二年 守臣吳芾 請措置 北海家橋 仁和倉

斜橋 三所 作壩 取西湖 六處 水口 通流 灌入 府河

又以望仙橋 以南 至都亭驛 一帶 地勢 高峻 議於

城外 保安 舖及竹車門 諸處 引水 入保安門 通流

亦在府治 東

諸橋 府西南 二十餘里 富陽 諸山 之水 由此 入江南

征紀 諸橋 萬村 為濱江 要路 西則 陸走 富陽 東

出赤山 埠北 出西溪 走黃山 以達 餘杭 東北 則從

西溪 達於 錢塘門 德勝橋 在府北 五里 其處 亦

曰枯樹灣 本名堰橋 宋建 爰中

韓世忠 人敗 於此 因名

海寧縣 府東 百二十里 東北 至嘉興 府海鹽 縣一百十

紀要 讀史方輿 卷九十一 浙江二 三 敷文閣

三國吳因置鹽官縣屬吳郡又置海昌郡隋屬杭州唐武德
亦為鹽官縣宋齊因之皆屬吳郡隋屬杭州唐武德
四年屬東武州七年併入錢塘貞觀四年復置仍屬
杭州宋因之元元貞初升為鹽官州天歷二年更曰
海寧明初改州為縣縣城唐宋以來舊趾明洪武二
十年信國公楊和重築永樂以後屢經修治周九里
有奇編戶百
八十四里

海昌城縣南二十里志云三國吳海昌郡尉治此晉

北四十一里以後亦嘗為都尉治隋大業初廢又縣西
中築縣蓋治於此唐永徽中始遷今治

石墩山嘉靖三十五年稍東一里曰小尖山上有烽堠

內參將盧鏗擊之久而後克下有小港外通大洋
賊舟每泊此今有石墩山寨西去縣四十里皆築

土城

褚山縣西南五十里土石皆赤因名其對岸相峙者

讀史方輿卷九十 浙江二 敦文閣

門西南去郡城六十里為控扼要害宋乾道四年
射獵於此明嘉靖三十三年倭賊突犯褚山郡境
被其害今為汛守重地海塘攷縣境治南即海海
之上即塘距城百武而近東抵海鹽西距浙江延
袤百里塘西南數十里有褚山與龕山對峙為海
門潮水趨江始猶廣衍進入隘口橫流東而不得
肆厥怒而東返東五十里又有石墩山與褚山相
望若兩拳然潮返而東為石墩所障仍鼓怒而西
東西蕩激數十里間日再往來狂瀾駕風若萬馬
馳驟銀山雪屋排空而下此海塘所以恒多隱憂
也又海防說海門與乍浦相形援乍浦海中必有
至下入山為極遠此外即茫洋無山倭船之來必
至入山及陳錢壁下山取水候風流犯先年兵船
畏風濤危險止分守八山內港倭賊不時入劫隆
慶三年始議直峭壁下等洋蓋賊於下八山可徑
至驚子門驚子門之險與下八山之峭首尾相應
也者

硤石山縣東北六十里一名紫微山其並峙者曰贊

山兩山相夾中通河流曰硤石湖唐白居易

嘗登此明初以其官名之山之西為硤石鎮元置稅務於此明初改稅課局兼置河泊所嘉靖三十四年倭犯硤石明年復犯硤石蓋登泊為易也○妙

尖山

其縣東六十四里高峯崛起南臨大海建烽城於其巔一名大尖山嘉靖中倭嘗據此○黃灣山

黃灣浦與海鹽縣澉浦所接界北通硤石袁花諸處嘉靖中倭賊往往出沒於此設黃灣山寨并築土城戍守志云寨在城東五十里

金牛山

起冠於境內山側有洞深不可測相傳宋建

為鳳凰山下有烽城寨廟山東三里曰望夫山

海

縣南十里東連海鹽西接浙江潮汝往來衝激不

紀要

讀史方輿

卷九十一

浙江二

敦文閣

宋志嘉定十二年臣僚言鹽官去海三十餘里舊

無海患縣鹽竈頗盛課利易登去歲海水泛漲湍

激橫衝沙岸潰裂不時以致浸入鹵地蘆洲港濱

蕩為一壑今潮勢深入逼近民居乞下浙西諸司

亟為修築捍禦之策十五年浙西提舉劉壘言縣

南瀕大海元有捍海古塘亘二十餘里今東西皆

淪於海海水侵入縣兩旁各三四里止存中間古

塘十餘里萬一水勢衝激不已不惟鹽官一縣有

壑溺之憂而已今古塘既衝損鹽潮必盤越北注

宜築上塘以捍之築塘基址南北各有兩處在縣

東近南則為六十里鹹塘近北則為淡塘嘗驗兩處土色

西近南亦曰鹹塘近北則為淡塘嘗驗兩處土色

虛實則袁花塘淡塘差勝於鹹塘且各近裡未至

與海潮為敵勢當修築兩塘以禦鹹潮其縣西

帶淡塘連縣治左右共五十餘里合先修築而縣

南去海一里幸古塘尚存縣治民居賴以無恙尤

宜亟為防護其縣東且築六十里鹹塘萬一復為

海潮衝損則修築袁花塘以禦之庶為得宜從之

元史鹽官州舊去海岸三十里有捍海塘二後又

添築鹹塘宋時亦嘗崩陷大德二年塘岸崩延祐

六年陷地三十餘里泰定四年衝捍海小塘壞州
郭四里因建議修築石塘四十餘里天歷初塘岸
始就海沙亦復湧起傾圮可免因改州名曰海寧
海塘說縣境海塘之外舊有沙場二十餘里所以
海潮不至衝嚙石堤可以經久今蕩入於海渺茫
無迹欲恃數尺之塘抗瀾天之浸豈不危哉明自
永樂九年歷成化宏治嘉靖以迄萬歷三年海凡
五變塘凡五修築而其害莫甚於永樂九年朝命
保定侯孟瑛等役蘇松九郡民貲累鉅萬積十有
三年而患始息蓋海昌地最高境內諸水皆北流
散入於嘉湖蘇松之境障海昌亦所以障列郡塘
之修廢關於東南利害安可不先事預防而貽後
悔哉

新江塘河

縣東北二十里源自湖州府德清縣之大
麻溪支流由縣西北莊婆堰東抵縣城濠
透逾曲折折為衆流東北入嘉興境○洛塘河在
縣西北三十里亦新江塘河之支流東入硤石南
湖旁有支港通小河迤北注嘉興界長水塘河又
袁花塘河在袁花山下自吳姚塘港分流南通白
方輿卷九十一 浙江二 圭 敷文閣

紀要

彈港西入縣城濠志云白彈港在縣東二十五
里袁花塘河之支流也北流入於新江塘河

塘河

一名二十五里塘河自城內市河出城北拱辰
志云運塘自莊婆堰北接崇德縣界經許村西至
仁和縣界長三十餘里此即上塘河運路也○淡
塘河在城西北宋嘉定中海岸崩陷於此築堤障潮今堙塞過半

硤石南湖

在硤石山下稍西南為茶湖其上流接麻
河東達海鹽縣界黃道湖志云麻涇港在縣東北
五十八里吳姚塘港在縣東六十五里皆新江塘
河之支流也又有硤石市河為洛塘河之支流北
注嘉興長水塘○高湖在縣東北十七里南北一
里東西二十八里又建興湖在縣西北二十五里
舊在赭山西側開因名又有月湖
今為湖淤塞

赭山港

縣西四十五里志云縣西二十八里有天門
港又西二里曰褚家場港又西二里曰馬牧

港又西十三里曰赭山港又有渾水港在縣東四十五里五港皆分運塘河之支水南抵海塘岸○莊婆堰在縣西北三十里接德清縣境之水繞流縣境恒啓不閉甚為民利嘉靖三十五年倭賊自海鹽而西分二道一趨長安鎮一自硤石莊婆堰與長安賊合謀趨杭州即此

長安鎮

使毛漸請起長安堰至鹽官徹長安堰紹聖中轉運二年漕臣趙礪請開濬嘉定十二年臣僚言長安一帶漕河淺濬請開濬嘉定十二年臣僚言長安潮衝激兩岸田畝恐有鹹水滄沒之患而裏河堤岸亦將有潰裂之憂乞敕有司及時修治德祐二年元伯顏軍至長安鎮進屯皋亭山而宋亡今為商旅聚集之地元設稅課務并置驛於此明朝改為稅課局嘉靖中驛廢

石墩鎮

鎮東南六十里有巡司洪武二年置於硤石鎮二十一年徙近石墩山嘉靖中築土城禦倭

讀史方輿

卷九十九

浙江二

六

敷文閣

為戍守重地又赭山鎮在縣西南四十五里文堂山上元置巡司明洪武初徙司於縣西陳橋北二十年徙於赭山永樂六年海潮為患徙於今所嘉靖中亦設小城戍守以禦倭寇又有赭山塲稅課局明初亦設於此○許村在縣西四十五里東北至長安鎮三十里西南至臨平鎮二十里有許村塲鹽課司又湯鎮在縣西南四十五里接仁和縣界

富陽縣

封河間孝王子元為侯邑後漢屬吳郡三國吳黃武四年置東安郡治焉七年郡廢縣仍屬吳郡晉因之咸安初以鄭太后諱春改曰富陽宋以後因之隋屬杭州唐仍舊五代時吳越嘗復為富春尋復故城邑效縣舊無城吳越時以縣逼江隅築城甃以磚石明初嘗繕治嘉靖三十五年復營磚城周四里有奇編戶七十

東安城

縣北十八里志云吳黃武中置東安郡郡守全琮築城此其故址也

觀山

在縣治東孤峯高聳橫截大江三國吳建道觀於山上因名亦曰鶴山亦曰石頭山又胡鼻山

道中縣合陸楠鑿石為欄以護之後屢修復寶慶

縣東九里高百五十丈周四十里孤圓聳秀江流

其下羣峯環拱望如華蓋亦名華蓋山一名赤亭山一名鷄籠山俗傳赤松子嘗憩此

陽平山

縣南十五里廣二十里南面大江相傳孫鍾

縣東南四十里其山高出眾峯絕頂平衍有田數

里又有刻望山峯巒迴合下有泉池流溉民田○

湖流為步溪南入浙江山之西麓屬新城

胡泱山

縣西南五十里胡泱水出焉山高三百丈廣

里人嘗於此避兵山下有石樓石城侯景方臘之亂

讀史方輿

卷九

浙江

七

敷文閣

石峭險中有平田如設萬

蓀嶺

縣北二十五里又二十五里達餘杭縣明初李

誠將潘原明守杭州以城降蓋道出於此○鵲嶺

在縣東南四十里路通諸暨又縣西南五十里有

富春江

在縣城東南即錢塘江之上流也江中有洲

五十三里王氏云縣西南舊有堰中渡史記秦始皇

臨浙江水波惡乃西百二十里從陘中渡水波惡

處今由錢塘渡西陵是也陘中渡則在富陽分水

胡泱水

縣西南九十里出胡泱山又步橋水在縣西

又有吳川水東五里有新泱與縣境諸川皆流入富春江

陽陂湖 縣北十里唐貞觀十二年縣令郝期因舊址開湖并造水閘湖周六十里溉田萬餘畝今

歲登封初合李濬築堤貞元七年令鄭早增修今多堙廢○湧泉湖在縣西二十五里溉田可四百

餘畝又小謝湖在縣南二十里大江之陰溉田二千餘畝

屠山村 縣西南五十里江岸有東梓巡司戍守元中徙於通濟橋明初

洪武三年復移於此臨安縣五十里西北至湖

餘杭縣 府西北六十里西至臨安縣五十里西北至湖

秦縣屬會稽郡漢因之後漢屬吳郡三國吳屬吳興郡晉以後因之隋屬杭州唐仍舊吳越時嘗號為清

平軍宋復故今編戶七十一里

餘杭城 在苕溪南秦漢故縣治此後漢熹平中徙溪不及二里尋又徙溪南號為清平軍宋雍熙初復徙溪北後因之明初嘗因故址修築嘉靖三十五

讀史方輿 卷九十一 浙江二 六 敷文閣

年甃以磚石今城周六里有奇志云溪南一里有舊城基元至正十六年參政楊完者命部將築以守禦亦名營盤城今廢又縣北三十里有周赧

王城晏殊類要云赧王南遊所築未知確據

安樂山 縣東南二里上有舊倉城相傳亦舊縣城也今圯有塔在焉吳越時所建又稽亭山在縣

南九里周七里上有亭基相傳秦始皇登此以望會稽縣南十八里又有九龍山周十五里有九峯

環抱流泉達注又由拳山在縣南二十六里一名餘杭山高三百八十八丈周十五里志云三國吳有

暨猷者自由拳來隱此故名亦曰郭公山以晉郭文隱此也自臨安而東南餘此可達富陽○觀國

山在縣西北十五里相傳宋建炎中兀木入寇鄉民相率拒之於此又西北十里有舟航山亦高聳

俗傳禹治洪水維舟山下云

大滌山 縣西南十八里山周五十里高六百九十丈巖洞泉石奇勝不窮洞霄宮在焉建於漢元

封三年歷代修之宋天聖四年詳定天下名山洞府凡二十四處以此為第五其右為天柱山高六

百六十四丈四隅陡絕聳翠參天道書以大滌為第
三十四洞天柱為第五十七福地○黃山在縣
西南二十五里與大滌天柱岡脉相連圖經黃山
亦名餘杭山高千餘丈超出雲表百里外即望見
之

徑山

縣西北五十里南去臨安縣五十里山周五十
里高三千餘丈志云徑山為天目之東北峯以
徑通天目而各有東西二徑盤折而上各高十
許七峯羅列內括一區平林坦壑最為幽勝七
者左曰宴坐曰朝陽右曰鵬搏曰凌霄曰御變北
曰天顯前曰堆珠而凌霄最高秀為山之主峯又
高陸山在縣西北七十五里高三百丈周五
十里南界臨安北界安吉雙溪之源出焉

獨松嶺

獨松嶺關控據險阻為郡西北之襟要詳見前
重險

南湖

縣南二里茗溪發源天目乘高而下縣地平衍
首當其衝注潦暴漲則泛溢為患漢熹平二年

紀要

卷九十

浙江二

九

敷文閣

縣令陳渾始築兩湖以豬水其並溪者曰南下湖
環三十里並山者曰南上湖環二十二里於湖之
西北為石門函以納溪水溪得水得所豬而暴流始
殺又於湖東南五畝塍設立滾壩溪落則湖水仍
由石門函還納於溪湖漲則自五畝塍經縣東南
五里之石橋橋洩入於南渠河其派別而北者為
黃毋港流十二里與茗溪會於其會處節以石埭
曰西函西函在縣東十三里溪水方漲則閉以固
東鄉之田俟其稍落則啓函以洩渠港之潦歲旱
則開函以資灌溉為利甚溥其後堙廢於是廬井
時有漂沒之患唐寶歷中令歸珖因舊迹修築宋
崇寧中令楊時宣和中令江表紹熙中轉運黃黼
皆加修濬繼而塘堰頽壞湖沙日高明初以來屢
議修復而南上湖已為豪民佃據無餘嘉靖三十
四年縣令吳應徵勸稱南湖故迹惟下湖僅存而
奸民承佃不已若不若不及今修築堰壩蓄水勢一
遇淫澇從五畝塍諸處潰入安樂等鄉為民田害
不惟餘杭境內而已湖蕩泥深土沃壩堰不修
則湖涸而奸民獨擅膏腴之利其奔騰瀾漫之害
則盡貽之下流居民望亟為修築以利民生然

奉行無實今南湖一區周回約二十餘里其茗溪
分流之口在城西南二里水漲時湖中一望瀾漫
秋冬水涸則洲渚參差平沙瀾望必盡復西函及
辰壩之制而南北岸及中隔諸塘以次修舉下流
田廬庶永無墊溺之患矣通志上湖在縣南五里
下湖在縣西二里又有北湖在縣北五里唐歸珽
所開分引茗溪諸水以灌民田周六十里縣北三
十五里又有查湖滙諸山之水溉田甚廣周三十
里今多埋

茗溪

在城南出天目山自臨安縣流入境經縣治前
又東流二十七里入錢塘縣界東北流六十二
里入湖州府德清縣界輿地志茗溪在縣西一名
冷溪乘舟至此有御風冷然之意今自城而西連
兩積潦則水勢奔騰外晴則
磷磷石澗非舟行所宜也

仇溪

縣東北二十里有二源一出縣西北高陸山東
北獨松嶺東流八十里至縣北十五里仇山下而合流又東
十里入於茗溪○雙溪在縣西北三十五里一源

讀史方輿

卷九十一

浙江二

三

敷文閣

出天目山一源亦出高陸山合流而東入徑山港
志云徑山港在縣西北三十里源出徑山受雙溪

餘杭塘河

在縣東其上流為南渠河在縣東南二里
而為餘杭塘河東流四十五里出杭州府北江漲
橋而入於運河今南湖漸堙南渠之流不絕如綫
實又五福渠在縣東南二十六里一名閑林河其
上源亦分南湖之水經閑林鎮又西出接於錢塘
之西溪○南蕩在縣南地近南湖宋紹興三年置
孳生馬監於餘杭南蕩諸鄉乾道四年廢南蕩監
以四
還民

獨松關

在獨松嶺見上○閑林鎮在縣東南十五里
元至元十九年鄧愈畧臨安進趨杭州大破
張士誠兵於閑林寨即此又雙溪鎮在縣西北三
十五里即雙溪合流處也自獨松而南此為要路
又有長樂鎮在縣西北
二十里亦當往來之道

臨安縣

府西北百里西南至嚴州府分水縣一百有三

豐縣六十里本餘杭縣地後漢末孫氏分置臨水縣

屬吳郡晉改為臨安縣屬吳興郡宋齊仍舊隋省唐

武德七年復置臨安縣屬杭州五代梁貞明初吳越改

為安國縣亦曰衣錦軍宋太平興國四年改為順化

軍尋廢軍復為臨安縣城邑攷縣無城五代時吳越

增築後廢今編戶四十六里

天目山 縣西五十里亦曰東天目巖壑稍遜於西天

衣錦山

縣治南本名石鏡山以東峯有圓石如鏡也

營又升為衣錦城山亦曰衣錦山山東南有石鏡

讀史方輿

紀要 卷九十 浙江二 主 敷文閣

各大小官山昭宗改名以寵錢鏐又獨山在縣東四

里為南溪錦溪四合之處俗謂之水口山錢鏐號

曰鎮水山○臨安山在縣西南十八里本名安樂

井戈山

縣西六十里高二千餘丈周百五十里蹊徑

南三十里沈嶺山在西南四十里一名筍嶺皆盤

迴數十里路出新城縣○西徑山在縣東北五十

南溪

縣東四十里山皆跨兩縣境內

茗溪之東流也東流於錦溪○錦溪在縣南一里即

里入餘杭縣界溪廣處幾數十丈盈涸無時不通

新溪

縣西十二里節南溪之別名也有新溪渡元至

正十二年徐壽輝將項普畧之黨自昱嶺關而

東寇於潛董搏霄擊之軍於臨安新溪是為入杭
要路既分兵守之乃進兵至叫口及虎檻遇賊皆
大破之遂復於潛逐賊出境叫口或
公在縣西四十里又西為虎檻云

青山鎮

縣東十五里唐天福元年楊行密遣李神福
攻杭州與顧全武相持神福詳於夜中發兵

引還使別將設伏於青山路全武追之為所擒神
福遂進攻臨安九域志臨安有青山鎮以旁有青
山而名元置桃源務明初
改青山稅課局正德中廢

石鏡鎮

在縣東二里以石鏡山名唐乾符四年浙西
以叛將王郢之亂募兵討賊臨安人董昌以

土團討賊有功補石鏡鎮將同邑錢鏐以驍勇事
昌為石鏡都知兵馬使後昭宗賜名鏐所居鄉曰
廣義鄉里曰勳貴里又安衆營或曰即石鏡鎮也
唐光化三年改營曰衣錦營天復四年曰衣錦城
天祐四年又升為安國衣錦軍鏐尋以名縣云○
西野在縣西四里志云縣本治此明初徙東市即
今治也舊有西野
稅課局正德中廢

讀史方輿

卷九十

浙江二

三

敷文閣

於潛縣

府西北百七十里東至臨安縣六十里東北至
湖州府安吉州孝豐縣七十里西北至江西南寧

國縣百六十里漢縣屬丹陽郡三國吳屬吳興郡晉
宋因之陳屬錢塘郡隋屬杭州唐武德七年置潛州
八年州廢縣還屬杭州縣城
吳越時築後廢今編戶九里

替城

即今縣吳越春秋秦泖大越烏語人置之替闕
駟曰替讀作潛漢武帝時縣始名於替東漢始

加水焉隋作潛唐仍舊又縣東七里潛州城
唐武德初築置州治此尋廢今其地名城嶺

紫溪城

縣南三十里唐垂拱二年析於潛置縣萬歲
通天初改曰武隆尋析置武隆縣縣仍曰紫

溪大歷三
年縣省

天目山

縣北四十五里亦
曰西天目見前

右桂山

縣東五里高三百丈周十五里為縣之主山
又阿頂山在縣東十五里上有越王城相傳

春秋時越之支庶封於此亦名平越城今山傍地
亦曰平越村又東為皇甫巖志云後漢皇甫嵩嘗

破妖賊許昭於此故名○峯嶺山在縣西二里峭
聳清絕下浸浮溪溪旁絕壁高四千餘丈上可坐
千人又西菩山在縣西十三里山周四十里九嶺
交陳雙峯對峙中有飛泉三疊怪石萬狀其相接
者曰柱石山志云山在縣西十五里又浪山在縣
西南三十五里山有三池相接在絕壁間奔流如
瀑山後又有柯侯潭每陰翳潭中浪與
山連亦名波山西去昌化縣三十里

馬頭山

縣南四十五里以形似名高千二百丈周四
十五里泉甘土肥可以樹藝縣南四十七里
有武勇山五十里有閭湖山又三里為白山奇勝
相亞盤亘綿遠凡百餘里○良梅山在縣南八十
里山周八十餘里志云馬頭之高半於天目
良梅之高半於馬頭而廣亞於西天目云

千秋嶺

縣北五十五里高三百丈即天目山西麓也
接江南寧國縣界朱梁乾化三年淮南將李
濤出千秋嶺攻吳越衣錦軍嶺道險狹錢傳瓘使
人伐木斷淮南軍後而擊之遂虜其軍宋南渡後
亦置戍守於此有千秋關元至正十二年董搏霄
敗徐壽輝將項普畧之兵遂復於潛而守之賊犯

讀史方輿 卷九十一 浙江二 敷文閣

千秋關引而南搏霄擊却之
遂扼關以拒賊今亦為要隘

楊嶺

縣北三十里北抵天目西北通江南寧國府驛
路又有楊嶺在縣西南二十五里路通昌化志
云縣西三十里有蘆嶺迤南曰金鷄嶺北曰羅紋
嶺謂之三嶺皆與昌化縣接界一云羅紋嶺在縣
西北五十里又水疑嶺在縣東北九十里高二百
丈接安吉州界浮雲嶺在縣東南四十里高二百
五十丈界
接新城

大鳴巖

在縣北三十里寨村之東巖獨高峻四圍甃
石如小城相傳錢氏嘗屯軍於此巖頂平廣
可十餘畝有池
甚深雖旱不涸

浮溪

縣治西二里源出天目山一名錦江濶五十二
丈深五尺經縣南合衆流而為紫溪志云紫溪
在縣南三十里天目上源有蛟龍池又有上中下
三池池上有潭形如仰箕謂之箕潭箕潭溢入上
池懸巖五十仞出石壁間環流而注中池復垂巖
三十餘仞噴溢而注下池其深莫測溢於大徑口

小徑口西南流過縣界分流為紫溪澗四十五丈
深七尺合昌化柳溪之水入分水縣界又合桐廬
之水以達於浙江唐貞元十八年縣合杜詠開濬
溉田四千餘頃又鑿渠三十餘里以通舟楫溪下
舊有燕尾灘最險惡宋紹興間縣令邵文炳鑿平
之○交溪在縣西十五里浪山柳溪二水合流於
柱石山因名下
流入於紫溪

虞溪

縣北十五里源亦發於天目有三溪同為一流
至此經虞將軍廟曰虞溪又南流五里經零口村曰零口溪南流
村曰豐陵溪又南五里經零口村曰零口溪南流
七十餘里而達分水縣界○藻溪在縣東南二十
里源出縣東落雲山南
流六十里入分水縣界

豪遷關

在縣西北志云天目西麓有豪遷關路通孝
豐及江南寧國縣又有西關在西天目東麓
路通安吉東關在西
天目西麓路出孝豐

閱武寨

縣北五十里閱武山上志云山高三百
丈周四十里吳越置寨於此以備淮南

讀史方輿
紀要

卷九十

浙江二

五

敷文閣

新城縣

府西南百二十里東至富陽縣四十五里南至
嚴州府桐廬縣四十五里西南至嚴州府分水
縣九十五里本富春縣地吳置新城縣屬東安郡尋
廢晉太康末復置屬吳郡後又廢咸和九年復置新
城縣宋齊因之仍屬吳郡陳屬錢塘郡隋省入富陽
唐永淳初復置屬杭州吳越時曰新登縣宋復舊
有城亦吳越時置後廢明嘉靖三十
四年修築周三里有奇編戶十二里

杜稜城

在縣治東南蕭梁時為新城戊大清三年侯
景陌臺城遺其黨宋子仙急攻錢唐僧邊降蓋
戊主戴僧邊拒之既而子仙急攻錢唐僧邊降蓋
僧邊與賊相持於障因謂之杜稜城宋天
因山築城恃為保障嘉靖中改築今城
禧中嘗修築後圯

南新廢縣

縣西五十里又西至於潛縣六十里唐寶
應二年置昭德縣大歷六年省宋乾德六
年置場於此淳化七年改為南新縣熙寧五年
廢為鎮元至元十三年置巡司於此明初廢

百丈山

縣南五里一名卓筆峯置江遶其北又綠衣
山亦在縣南五里舊名烏伊山高二百餘丈

周八十五里又縣西八里有大雷山志云
山之又嶮山在縣西二十里一名峭山高二百五
十丈周七十里有
巖洞泉池之勝

青牛山 縣西北七十里一名寶福山分三

鼉江 縣南二里志云舊時江流甚濶元時水
溪漲沙平今縣南二十五里有深浦濶二十丈
深淺無恒潮水往來溉田五千頃又東南港山有
將軍石下臨大江石壁周圍相傳宋時觀兵處也
嘉靖間建墩

嘉靖間建墩
堠於其上

葛溪 縣西七里其源有三一出縣西六十里之回源池曰釜

源溪一出縣西六十里之靈隱洞曰盤石溪至南
新城而三水合流謂之三溪口至縣西三十五里
之里仁橋合分水縣之奈源水又東經縣南合松
溪至縣東南十里為淶渚又南二十里至峴口入
於江志云自綠渚埠達江始通舟楫淶渚而上
至各溪港惟竹筏往來而已明初張士誠侵嚴州

讀史方輿 卷九十 浙江二 三 敷文閣

李文忠遣將何世明敗之於分水既而復據分

松溪 縣東北五里自臨安錦溪分流入縣界過縣北八里

之新堰遠縣西南流至雙港口會於葛溪
出縣西四十里鄭家山東南流至縣西張澗口合
於葛溪又奈溪在縣西七十里自分水縣
境流入至縣西三十里巖石嶺合於葛溪

東安鎮 在縣東近富陽縣界唐光啓二年錢鏐為杭

江靜江三都將將其兵又大順二年鏐將杜稜鎮
東安始營新城胡氏曰鏐蓋置東安等郡將分屯
沿江一帶九域志新城縣有東安鎮今縣東去富

昌化縣 南徽州府百九十里東北至於潛縣五十里西至江

為紫溪縣地萬歲通天元年析置武龍縣聖歷三年
省入紫溪縣長安四年復置五代梁時錢氏改曰金山尋又改
三年廢長慶初復置五代梁時錢氏改曰金山尋又改
同光中復曰唐山石晉天福七年改曰橫山尋又改

曰吳昌縣宋更名昌化仍屬
杭州縣無城今編戶九里

唐山 縣治北延袤五里為縣治之障又縣治前有青
山亦曰官山又武隆山在治西北一里高百餘丈

延袤二十里唐武后以為已識因以名縣神龍初
改曰唐山亦因山
名以黜武氏也

柳相山 縣東南三十里高千八十八丈延袤百三十里
柳溪經其麓東接於潛紫溪南入分水縣界

志云縣南二十五里有仁山山勢蟠迴溪流九曲
又十里有石筍山相接者曰金山上有玉嶺石壁
峭立高百餘丈泉瀑飛流下有石穴曰龍孔泉居
民賴以灌溉旁有金紫巖峯巒甚秀○福泉山在
縣西南五十里高千丈周四十五里其最高峯曰
銅坑亦名銅坑山東接分水南帶淳安西亘績溪
頂有
龍池

百丈山 縣西三十里高千五百丈延袤二十里一名
潛山輿地志堯時洪水此山潛而不沒高距

讀史方輿 卷九十 浙江二 敦文閣

水面百丈因各上有太公潭相傳以秦伯採藥名
今山多靈藥北接大鵠山山延袤五十里高亦千

丈中平坦有龍池三百畝志云大鵠山在縣西北
六十里又千頃山亦在縣西北六十里高六百丈
延袤六十里巔在龍潭廣數百畝又西有洋丁山
皆接江南寧國縣界其水北流入寧國縣之東溪

昱嶺山 縣西七十里高七十五丈山勢險阻介於徽
杭兩州間其水南流為順溪北流為蘧溪會

於柳溪嶺上置關元至正中徽饒寇入犯處也今
詳見重險昱嶺○龍塘山與昱嶺相接怪石時立
林谷幽邃中有龍洞深不可測縣西八十里又有
大明山高千餘丈延袤九十里山巔平曠三千餘
畝中有龍池瀑布
其南跨嚴州府界

車盤嶺 縣西五十里路出徽州輿程記自車盤嶺而
西三十里為王干巡司屬徽州府績溪縣又九十里

而至徽州府又棧嶺在縣西百里一名分界嶺亦
與績溪縣
分界處也

雙溪 在縣治南縣境之水西北自寧國西自績溪西

縣西十里之晚山東而為晚溪又東經縣治前溪

崩泝又東南匯縣境諸

伽溪 縣南二十里又南十里右覽溪縣南境諸水遠

於雙溪者皆附二溪以逕達於柳溪志云縣西

三十里有百丈溪出百丈山下南流為瀝溪東流

柳溪 在柳相山下縣境諸溪悉匯於此上下三十里

紫溪

昱嶺關 在昱嶺上見前又黃花嶺關在縣西北

手窠鎮 在縣西九十里手窠嶺上嶺甚平坦舊置巡

讀史方輿 卷九十 浙江二 敦文閣

村明朝移置於湛村在縣西二十里仍曰寧口巡

司○石路在縣西二十五里地名破山灣南臨深

附見

杭州前衛 在府城內又有杭州

寧海守禦千戶所 在縣治東

嚴州府 東至杭州府二百七十里南至金華府一百五

衢州府二百十里自府治至布政

禹貢揚州之域春秋時屬吳後屬越戰國時屬楚秦

為會稽鄣二郡地漢屬會稽丹陽二郡後漢屬吳郡

及丹陽郡建安十三年孫吳始置新都郡晉改為新

安郡治始新縣宋齊以後因之隋平陳郡廢分屬婺州歙

州仁壽三年增置睦州大業初改為遂安郡治雒山縣唐

武德四年復為睦州時又於桐廬縣別置嚴州取嚴子陵為名兼領分水建德二縣

七年嚴州廢而以睦州為東睦州八年復稱為睦州武后萬歲通天二年州移治建德縣即今治也天

寶初曰新定郡乾元初復為睦州五代時錢氏因之

宋仍曰睦州亦曰新定郡遂安軍節度宣和三年改

曰嚴州咸淳元年又升州為建德府以高度二宗皆嘗為潛邸也

元曰建德路明初改建安府洪武八年曰嚴州府領

縣六

府山川宏偉水陸險巇據臨安之上游當衢歙之衝

請史方輿 卷九十一 浙江二 天 敷文閣 細要

要宋方臘倡亂於睦州而杭歙諸郡皆不能固長江

以南舉岌岌焉元人既平江南以董文炳駐守臨安

既而衢婺諸州皆復起義兵應宋文炳策之曰嚴州

不守臨安必危亟使唆都往鎮之於是諸州之兵相

繼敗散明初規取浙右先下嚴州以重兵戍之敵之

喉吭既為我得由是拓土開疆芟除桀黠豈不以地

利乎哉

建德縣附郭東漢吳郡富春縣地吳黃武四年析置今縣仍屬吳郡晉以後因之梁屬東陽郡隋省入

金華縣唐武德四年復置屬嚴州七年省永壽二年復置屬睦州尋為州治今編戶八十六里

建德城今府治三國吳置縣孫皓初封建德侯即此自隋以後廢置不一唐萬歲通天中始為州

治中和中刺史陳晟築城周十九里宋宣和三年
平方臘知州周格重築縮為十二里二步紹興八
年修治元因之明洪武二十年曹國公李文忠改
築縮東北二面而拓南面西南臨江東北倚山濬
濠三面環城接江宏治四年嘉靖三十七年萬歷
五年皆經修築有門五城周八里有奇○神泉廢
監在府西七十里宋熙寧中置鑄
錢於此尋罷慶元初復置旋廢

烏龍山

郡北三里圖經云山高六百丈周百六十里
注曰玉泉流為余浦至城東三里入於新安江宋
宣和初嘗改名仁安山明初克嚴州苗帥屯烏龍
嶺李文忠擊敗之即此○高峯山在府東五里有
雙峯峭壁新安江遶其西南昔有浮圖峙其上又
東二里曰方門山列嶂臨江其狀若門二山皆烏
龍之支山也又屯軍山在府西北一里相傳黃巢
屯軍於此府西二里又
有建昌山下瞰江流

湫山

府東北四十里與烏龍山及桐廬縣之清涼山
相峙高六百丈周百里有石湫歲旱不涸因

讀史方輿

卷九十

浙江二

完

敷文閣

名又龍門山在府東二十七里頂有浮圖下臨江
渚石壁上有瀑布泉○銅官山在府西八十里志
云秦時嘗於此置冶採銅又西五里有銅官嶺路
出淳安又有銅關渡在府西七十里亦以銅官山
而名新安江渡口也志云銅官相接者有靈嚴山
與淳安縣紫蓋峯相連巖泉不竭又有五寶山五
山一源曰金曰銀曰銅曰錄曰鐵皆以色相似而名

胥嶺

府東北四十里胥水發源於此今有胥村在府
北二十五里宋嘗置驛當杭郡通道今廢又午

方嶺府東北六十里路出桐廬志云嶺當烏龍之南因名

鮑婆嶺

在府東北明初張士誠寇嚴州李文忠禦之
於東門外使別將出小北門間道過鮑婆嶺
由碧鷄塢遠出陣後大破之是也○井剛嶺在府
東南五十里路通浦江明初李文忠克嚴州進兵
下浦江蓋取道於此又將軍巖
在府南四十里與蘭溪縣接界

新安江

在城南自徽州府歙縣流入府境經淳安縣
南又東流至府城東南而東陽江流合焉

名徽港胡氏云浙江有三源其一為徽港是也又東胥口江流合焉亦謂之建德江口梁大寶末侯景將劉神茂復據東陽叛遣其黨元頽等下據建德江口景將謝答仁等攻建德擒頽等殺之胡氏曰建德江口在

東陽江

府東南二里婺衢二港合流於金華府蘭溪縣而入府境又東北流經府城南而與徽港

合止稱東陽者以來自金華也二江合流經城東十里為大浪灘又東五里為烏石灘又東二十五里而接桐廬縣之七里灘為府境之襟要

西湖

在府城西南廣袤四百五十二丈唐刺史侯溫所開中有寶華洲又聖湖在府西北十里廣袤

亦數百丈中有白沙洲俱限隔不與江通

胥口溪

府東二十五里自胥嶺發源三十里至胥口逆流十里達於江亦謂之胥口江亦謂之建

德江明初張士誠來侵至大浪灘李文忠遣將何世明西出烏龍嶺至胥口破走之又追敗之於分

讀史方輿紀要

卷九十

浙江二

三

敷文閣

水賊始却

白沙渡

縣西六十里新安江渡口也南征記自建德縣遶烏龍嶺背出白沙渡入壽昌自常山縣

逕達於江西為陸行之徑道○三河潭在府東南四十里潭水逆流而入於東陽江江水從兩傍順流回合焉故曰三河三河關因以名又有朱池在府西三十五里相傳以朱買臣名宋置朱池驛於此當三衢大路

烏石關

府東十五里以烏石山而名江流所經下有烏石灘又三河關在府南四十里有三河驛

即東陽江渡口也唐置三河驛在府南五十里今廢又當金華大道志云三河驛在府南五十里今廢又府東三十里有管界巡司明初置○富春驛在城東五里前臨江涯宋置東館務於此明初改建嚴州驛洪武九年改今名

桐廬縣

府東北百里東至杭州府富陽縣八十里東北至杭州府新城縣七十里北至分水縣八十里

南至金華府浦江縣九十里漢為富春縣之桐溪鄉
吳黃武四年分置今縣屬吳郡晉宋以後因之隋平
陳縣廢仁壽三年復置屬睦州唐初嘗置嚴州治此
州廢仍屬睦州五代時吳越改屬杭州宋太平興國
三年還屬睦州縣無
城編戶五十二里

桐廬故城 縣西二十五里吳黃武中置縣治此隋開
皇中并入錢塘縣又有城在縣西北十五

里桐江西岸地名桐廬唐貞觀中所築桐廬城也
開元二十六年移鍾山即今縣治圖經云縣西十
五里有嚴州城本隋仁壽二年鴻臚寺丞蘇綸所
築唐武德四年置嚴州治此○唐寓之城在縣東
南二十五里南齊永明中富陽民唐寓
之作亂嘗築城保據於此今地名舒灣

桐君山 縣東二里一名桐廬山縣以此名山下有合
江亭西征記桐睦二江會合亭下有山巍然

直壓其首如渴鯨人水之狀即桐君山也其相連
者曰鳳凰山下瞰橫江形如鳳翅○牛山在縣西
十里山當驛道俯瞰大江宋孫紹遠云自桐廬取
道而西內薄山外瞰江高深殊絕而窪凸屈曲步
讀史方輿 卷九十一 浙江二 三

紀要 步必戒如是者十五六里建交中金兀木入寇歛
人錢鬻率民兵三千因險設伏大敗之於此淳熙
中邑令向演乃於沿江處所立扶欄七百行者便
之元末劉真據縣取石築城扶欄遂廢其中塢之
左曰金鷄山有巨石俯瞰大江或曰即碧鷄塢也
李文忠大敗張士誠兵於此又寨基山在縣南十
四里相傳昔有避難者立寨其上因名

富春山 縣西三十里一名嚴陵山前臨大江漢子陵
釣處人號嚴陵瀨有東西二釣臺各高數百

丈西征記自桐君而西羣山蜿蜒如兩蛇對走於
平野之上三江之水並流於巖下驚波間馳秀壁
雙峙上有子陵釣臺孤峯特起聳立千仞下有泉
陸羽品為第十九泉其與釣臺相對者曰白雲原
一名蘆茨原重巖蔽天林麓茂盛居民採薪為炭
供數州烝爨之用有蘆茨溪北流合大江唐方干
隱於此○清冷山在縣西北三十里四面出泉大
旱不竭溉田五十餘頃志云山高五十仞周七十
里本名鍾山唐天寶間改名其相接者曰龍洞
山山半有石峽嶺有龍門池引流可以灌田志云

龍洞山在縣北三十里

九嶺

縣東北四十里其相近有白峯嶺俱路達新城
野狐嶺與浦江縣分界又獅子嶺在縣北四十七
里與分水縣分界志云縣西北二十里有娘嶺為
驛道之要口○老鷹巖在縣西北四十里巖下有路
沿江險峻縣西北四十里又有焦山巖下瞰溪流
舟楫過此常虞險仄

桐江

江合衢婺歙三州之水東流九十里而至此
又東流入杭州府富陽縣界亦曰睦江兩岸山高
水深如黛志云縣東十五里有洋洲可耕種東二
十五里為桐洲延袤二十里俱南臨大江北有後港

桐溪

縣東北三里其流即於潛縣之紫溪也自分
遠郭而東南入縣界亦曰天目溪入縣境為桐溪
縣溪中有東南出桐君山下入桐江志云縣分水至
紀要 讀史方輿 卷九十八 浙江二 險其旁小溪數十皆滙

窄溪

縣東南三十里有二源一出桃嶺西流三十餘
十里至縣東南二十五里而會流為甘溪又引而
東北流凡十餘里而為窄溪又東流十三里入於
江溪口與新城港口正相對地名窄溪埠江流經
此澗不過數丈易於涉渡也○清渚港在縣西三
十里源出府東北四十里之雲岫山東流十五里
曰社息溪東南遶富春山北又東流二十里入於
江桐

白水湖

縣西北二十里廣百三十餘畝溉田甚博志
而摠名曰白水湖白湖南有獨山孤峯崛起高
倚江濱東去縣二十里高塘湖亦曰太湖塘在
高山頂其山自清冷山分脈而來曠阜平岡羣峰
四擁宛如一城垣湖水當其中朝夕盈縮與錢塘
潮汝相應東去縣三十里

敷文閣

七里瀨

縣西四十五里志云在富春山釣臺之西亦曰七里瀨諺云有風七里無風七十里蓋舟

行難於牽挽惟視風為遲速也舊志云七里瀨去建德四十餘里與嚴陵瀨相接梁大寶末劉神茂

據東陽叛侯景景遣謝荅仁攻之神茂營於下淮或謂之曰賊長於野戰下淮地平四面受敵不如

據七里瀨賊必不能進神茂不從戰敗復降於侯景今縣西北有一十九灘俱在桐江上

下淮

在縣東五十里與富陽接壤舊為江流扼要處字說淮圍也言江流四周圍合也陳天嘉二年

詔沈恪襲雷異於東陽異敗恪於下淮恪退還錢塘異以兵戍下淮及建德以備江路又唐永徽四

年婺州刺史崔義元敗妖賊陳碩真黨於下淮

水關

縣東二里當桐溪入江之口合江巡司置於此一名嚴備婺三州巡捉私茶鹽司志云司舊在

桐君山東成化八年徙桐江口十九年徙今所又浮橋關在縣北五里桐溪上又有柴埠關

在縣東南二十里柴埠灘舊有兵戍守

讀史方輿紀要

卷九十

浙江二

三

敷文閣

桐江驛

在縣城東潢港口舊臨江名州河驛後移而北改今名又下航渡在縣東南二里往來津

也要也

淳安縣

府西百六十六里西南至遂安縣六十二里西

百四十六里北至杭州府昌化縣二百三十五里漢

丹陽郡歙縣葉郡地後漢建安十三年孫吳析置始

廢郡改縣曰新安仁壽中又為睦州治宋齊以後因之隋

曰雉山為遂安郡治唐初為睦州治大明初縣復名

新安萬歲通天初郡改治建德縣仍屬焉開元二十

年改曰還淳永貞元年又改為清溪縣宋因之宣和

三年平方臘之亂改曰淳化紹興中始改今名城邑

記縣舊城南枕清溪北連岡阜相傳後漢建安十三

年孫權使賀齊平山越時所築隋唐因為郡治其子

城周二里有奇即今縣治也西有故城址則外

城也大都埋廢未經改築今編戶六十有一里

始新城在縣西六十里威平鎮吳賀齊本置縣於此

隋徙雉山下在今縣南二里唐神功初又移

今治縣西三十里普慈山上有大子城或云孫吳太子和嘗避難於此

雉山

靈巖山在縣西南隔江形如蹲雉隋以此山名縣又與黃龍見名曰龍山唐元和中改今名俯瞰清溪擬於京口之金山

都督山

縣西六十里或曰吳賀齊督兵駐此一云方平鎮六里今有永平巡司戍守又並桃山在縣西北六十里高出衆山之上登其嶺杭歙衢婺之境宛在目前自下望之如二桃然因名○雲濛山在縣南三十里志云山高五百丈周七十里縣境之大山也

蔗山

縣東北三十里志云昔嘗種蔗於此因名山縣東八十里山有二坑或云卽息坑也宋宣和初方臘作亂兩浙將蔡遵等討之敗死於息坑卽此

紀要

讀史方輿

卷九十一

浙江二

敷文閣

雙柏嶺

縣東二十里其並峙者曰真塢嶺當往來驛道崎嶇連亘又赤石嶺在縣西六十里一名河上嶺石壁臨江又西十五里有方壺嶺亦臨江爲險○遼嶺在縣南七十五里分淳安壽昌二縣之界山高溪迅懸巖絕壁無路可通舊惟水道往來成化間鑿爲坦道又白鶴嶺在縣東北百里有仙鶴泉明初胡大海取徽州元將胡納退保遂安大海追敗之納東走大海復追之戰於白鶴嶺納敗死

威平洞

縣西七十里一名青溪洞一名幫源洞宋宣和二年賊方臘據此作亂連陷州郡三年韓世忠擊敗之賊深據巖屋爲三窟諸將莫知所入世忠潛行溪洞間挺身擣其穴擒臘以出賊平改今名相近爲梓桐洞今日梓桐鄉宋史清溪縣境有梓桐幫源諸洞皆落山谷幽險處方臘據以作亂

霖巖洞

縣東五十里峯巒千仞下多源泉引流溉田歲旱不涸又有仙居洞在縣東南五十里有

數洞相通○保安巖在縣東北六十里五季末里人多避亂於此因名

新安江

化三年境遶縣治前又東至府城南合於婺港唐光緒蓋繇水道出徽州還宣州也今江流上下各有

灘數十處

遼溪

在縣南六十里芝山下源出遼嶺北流注於新安江志云環境之水以溪名者凡數十處皆流注於新

柵源

縣東北四十里吳賀齊與山越戰樹柵於此因名又三潭在縣西百里崇岡僻嶠潭瀦其間志云源出昌化縣之

錦溪關

縣東六十里其地有小溪巖怪石巉巖水陸皆險嘉靖中置關於此以禦礦寇因改今名下有小溪渡○新安驛在縣城西舊名清溪驛宋置至明廢

讀史方輿紀要

卷九十九

浙江二

五

敷文閣

威平鎮

在縣西六十里威平洞又港口宋平方臘置巡司此今日永平巡司於此今因之志云港口司置此縣南三十里又有港口鎮又街口鎮在縣西

八十里與徽州府分界亦有巡司○茶園鎮在縣東五十里下有茶園渡又渡市鎮在縣北二十五里宋元以來

俱為戍守處

遂安縣

府西南百八十里東北至淳安縣六十三里西北至江南百八十里至衢州府百七十里西南至衢州府開

化縣百三十里後漢建安十三年孫氏析置新定縣屬新郡晉改今名屬新安郡宋齊因之隋初縣廢仁

壽四年復置屬睦州唐宋因之舊無城明正德八年築城以禦寇萬歷二年復修築以禦

霧山

縣東南二里孤峯峭立為邑之望或以為婺山多阻元末邑人嘗扼此以拒賊又西二里曰石英山山產白石英唐時以供貢又有洪銅山在縣西

南七十里志云唐時置場採銅於此

武強山

阻唐末鄉兵保聚於此拒破黃巢今山麓有黃巢坪萬歷中嘗易為靖武山○高喬山在縣西六十五里近開化縣界層峯疊嶂溪谷迂回正德八年流寇繇開化馬金嶺突犯嘗築寨於此以遏其衝又高峯山在縣西南五十里高峻為羣山之冠

黃連嶺

縣南八十里巖石峻險路達西安又有猥嶺在縣南五十里開道可達常山縣○積雪嶺在縣西八十里路出休寧又縣西南

武強溪

在縣城南源出武強山亦名靖武溪東南流至三渡口與雙溪會流濶數十丈又逶流八十里入淳安縣界又二十餘里注於清溪

雙溪

在縣西源出歙縣界之石嶺分為二流既而復合至縣西南五十八里之三渡合於武強溪志

紀要

讀史方輿

卷九十一

浙江二

敷文閣

云三渡路出開衢之通道也○畧網溪在縣東南五十里源自衢州流入縣界又東北入武強溪又龍溪在縣東一里出淳安

鳳林鎮

縣東南四十里畧網溪經此亦曰鳳林溪宋新安驛在縣治

壽昌

縣西北至淳安縣百二十五里西至遂安縣百四十五里南至衢州府龍游縣百一十五里西南至衢州府治百十里漢富春縣地吳置新昌縣屬吳郡晉改今名梁屬新安郡隋併入新安縣唐永昌初復置載初元年廢神龍初復置屬睦州宋以後因之舊有城即唐神龍中置後廢今編戶三十六里

新昌城

在縣西永平鄉孫吳時置縣於此晉改曰壽昌唐神龍初移縣於郭邑里尋又移於縣西七里之白艾里築城周一里有奇後復還今治故城遂廢今其地名故城坂

彭頭山

縣治一四一里唐景福中縣令戴筠開湖於山下謂之西湖以灌東郭之田餘浸入於艾溪

又縣南三里有仙池山一名南山山巔有池鄉民遇旱為機以泄池水溉山下之田圖經城東一里有

青龍山脈自西來臨繞艾溪又東二里有金姑峯峯頗峻削下臨艾溪○巖山在縣北六里有三

峯高數百丈頂上如負展有石圍抱如負展

金臺山

縣南十五里縣山之最高者其南有冠山壁立千仞登之可盡龍遊蘭溪諸勝○硯山在

縣南三十里為金衢嚴三郡之界又縣西南二十里有大慈嚴登之可覽金衢二郡之勝又巖崗山

在縣東南二十里山有華蓋羅帽玉露慶雲景星凡五峯而華蓋最高南屬金華北屬嚴州

過浴山

縣北十八里下有龍潭潭上有洞穴名曰龍門深遂莫窮泉流灌淫溢而為溪環遶縣北

○天湖山在縣西二十五里有高湖巖頂平如掌廣夏不竭又縣東二十五里有高湖巖頂平如掌廣

三十餘畝四畔皆巉巖惟一徑可通

讀史方輿 卷九十 浙江二 敦文閣

梅嶺

縣西南四十里接龍游縣境宋建都臨安時此嶺最為要道凡閩蜀江西荆湖二廣雲南八番

海外諸國來者皆經其下亦曰梅峯元時尚為戍守處今皆取道於蘭溪○長嶺在縣東南二十五

里路通金衢宣歙四郡嶺半有泉下注為池志云縣西七十五里為黃連嶺與遂安接境西北五十

里為玳瑁嶺與淳安縣接壤

壽昌溪

在縣西源出西南六十里之鵝籠山流至縣西二十里與交溪會曰大同溪又遶流至縣

治西一里曰艾溪歷郭南至縣東七里曰淤竭溪又經縣東北十五里之湖神坂曰湖神溪流長九

十里出壽昌港口又東北繞蒼山入新安江縣境之水悉匯入焉志云由縣治東北至新安江凡三

十五里即建德縣境也

常樂溪

在縣南三十里源出龍游縣之天池山入縣境會眾山之水又東南流出蘭溪界入於東

陽江○交溪在縣西二十里源出縣西四十里之魏馱山東流合於壽昌溪而為大同溪又西溪在

縣西南四十里源出梅嶺下流入於艾溪

西塢寨

此在縣西南梅嶺路出龍游舊設上梅巡司於此又大源口寨在縣西四十里舊置社田巡司於此今廢又砮巖寨在縣東南二十里赤孤山長嶺寨在縣西南二十里桃平山正德間為戍守處○壽昌驛在縣南縣西又有白艾驛俱宋置今廢

分水縣

府東北百五十五里東至杭州府新城縣百有十里北至杭州府於潛縣六十二里本桐廬縣西鄉地唐武德四年析置今縣取桐廬江水中分為名七年者如意初復置改曰武盛神龍初復曰分水縣屬睦州縣無城今編戶十八里

昭德城

在縣西北嘉德里唐寶應二年中析分水置昭德縣大歷六年省宋為昭德驛

雙溪山

在縣治北縣之主山也又北二里曰黃潭山流環遶其下曰印渚溪為邑之勝一名甄山○嶠山在縣東四十里其最高處曰赤巖尖登之可見

讀史方輿紀要

卷九十

浙江二

三

敷文閣

數百

桐嶺

城在縣南五十里又羅嶺在縣東二十里皆路達新嶺在縣南五十里達建德縣界縣西五十里又有塔嶺通淳安縣界志云縣西北六十里有湯安嶺嘉靖中倭寇由黃潭而西踰此嶺遂犯淳安又設方嶺在縣南三里為達府之間道○百勝巖在縣東十五里最高聳縣西北二十五里有紫峯巖四面如削一峯宛在雲中縣西北四十里又有楊山洞可容數百人

天目溪

在縣治東二里即於潛縣之紫溪也合昌化下又南達桐廬此為桐溪之上游中有灘凡七

前溪

縣東南二里自淳安縣分流入境入縣南之白沙潭回繞縣治而東合於天目溪○廣陵溪在縣北十里有渡通於潛錦溪在縣東十里有渡通

桐廬下流皆
滙於天日溪

吳村縣東十里舊置巡司今廢又昭延驛在縣東
五十里柳相驛在縣西四十里俱宋置今廢

附見

嚴州守禦千戶所在府治東南洪武二
十年建直隸都司

讀史方輿
紀要

卷九十 浙江二

三九

敷文閣

讀史方輿紀要卷九十終